

Vedtekter for Haus kulturminnelag

§ 1 Kulturminnelaget sitt namn

Haus kulturminnelag vart stifta den 29.09. 2022

§ 2 Forretningskontor

Haus kulturminnelag har forretningskontor i Osterøy kommune.

§ 3 Formål

Haus kulturminnelag er eit friviljug lag som skal arbeide for eit bærekraftig, allsidig og naturvenleg friluftsliv, kyrkje- og kulturliv. Laget skal ta vare på kulturminner, kulturlandskap og fremja aktivitet, rekreasjon og folkehelse og er tufta på friviljug innsats. Haus kulturminnelag skal ikkje ha tilsette og skal ikkje ha økonomisk vinning til formål.

Som et tiltak for å nå desse målsetjingane vil Haus kulturminnelag arbeide med å bevare og utvikle område kring kyrkja, prestebua, straumen og prestebustaden med naust, kai og strandsoner i samråd og samarbeide med OVF, Bjørgvin bispedømmeråd og andre relevante samarbeidspartnarar.

§ 4 Organisasjonsform

Haus kulturminnelag er sjølveigande og ein frittstående juridisk person. At den er sjølveigande inneber at ingen verken medlemmar eller andre har krav på laget si formue eller eigendelar eller er ansvarleg for gjeld eller andre forpliktelsar

§ 5 Medlemmer

Haus kulturminnelag er eit lag ope for alle som ynskjer å vera medlemmer. Det skal ikkje betalast kontingent for medlemskap. Det blir ført medlemsprotokoll. Alle medlemmer har stemmerett og kan veljast til tillitsverv i laget. Medlemmane pliktar å forholde seg til vedtak som er fatta av årsmøte.

§ 6 Årsmøte

Årsmøtet, som vert halde kvart år innan april månad, er høgaste mynde i laget.

Årsmøtet vert kalla inn av styret med minst 1 månads varsel, direkte til medlemmene og/eller ved kunngjering i laget sine eigne kanalar. Forslag som skal handsamast på årsmøtet skal vera sendt til styret seinast 2 veker før årsmøtet. Fullstendig sakliste må vera tilgjengeleg for medlemmene seinast 1 veke før årsmøtet.

Alle medlemmer har tilgang til årsmøtet. Årsmøtet kan invitera andre personar og/eller media til å vera til stades.

Årsmøtet er vedtaksført med det talet røysteføre medlemmer som møter. Ingen har meir enn éi stemme, og stemmegjeving kan ikkje skje ved fullmakt.

Med mindre anna er avgjort skal eit vedtak for å vera gyldig, ha alminnelig fleirtal av dei gitte stemmene. Blanke stemmer skal sjåast på som ikkje gyldige.

Årsmøtet kan ikkje handsama forslag om vedtektsendring som ikkje er oppført på sakslista seinast 1 veke før årsmøtet. Andre saker kan handsamast og avgjerast når 2/3 av dei frammøtte krev det. Slik avgjerd kan berre takast i samband med godkjenning av sakslista.

§ 7 Leiing av årsmøtet

Årsmøtet skal leiast av vald dirigent.

§ 8 Årsmøtet sine oppgåver

Årsmøtet skal:

1. Handsama Haus kulturminnelag si årsmelding
2. Handsama Haus kulturminnelag sitt årsrekneskap i revidert stand
3. Handsama innkomne forslag
4. Vedta Haus kulturminnelag sitt budsjett
5. Velja:
 - a) Leiar og nestleiar
 - b) Styremedlem(mar)
 - c) Revisor

§ 9 Ekstraordinære årsmøte

Ekstraordinære årsmøte vert halde når styret avgjer det, eller minst ein tredjedel av dei røysteføre medlemmene krev det.

Det skal innkallast på same måte som for ordinære årsmøte, med minst 14 dagars varsel.

Ekstraordinært årsmøte kan berre handsama og ta avgjersle i dei sakene som er kunngjorde i innkallinga.

§ 10 Styret

Laget skal leiast av eit styre på mellom tre og sju medlemmer. Laget sine tillitsvalde skal ikkje motta godtgjering.

Styret er høgaste mynde mellom årsmøta. Når det gjeld styremedlemmar som vert valde på årsmøtet, blir to av medlemmane vald for 2 år og dei øvrige for 1 år om gongen.

Styret skal:

1. Iverksetja årsmøtet sine avgjerder.
2. Administrera og føra naudsynt kontroll med Haus kulturminnelag sin økonomi i samsvar med dei til kvar tid gjeldande instruksar og avgjerder.
3. Representera Haus kulturminnelag utad.

Styret skal halda møte når leiaren krev det, eller eit fleirtal av styremedlemmene krev det.

Styret er vedtaksført når eit fleirtal av styret sine medlemmer er til stades. Vedtak fattast med fleirtal av dei gjevne stemmene. Ved røystlikskap tel møteleiaren si røyst dobbelt.

§ 11 Vedtektsendring

Endringar i vedtektene kan berre gjerast på ordinært eller ekstraordinært årsmøte etter å ha vore på sakslista, og det krev 2/3 fleirtal av dei avgitte røystene.

§ 12 Oppløysing

Oppløysing av Haus kulturminnelag kan berre handsamast på ordinært årsmøte. Vert oppløysing vedteke med minst 2/3 fleirtal, vert det kalla inn til ekstraordinært årsmøte 3 månadar seinare. Overskytande kapital ved ei eventuell oppløysing skal utdelast til friviljuge lag og organisasjonar som har gjort ein felles innsats for Haus kulturminnelag eller lokalsamfunnet generelt.